

pituita conclusa quieverint. Quies ergò habenda cāusa putredinis.

Communiter statuitur, quòd attracti humores vasa obstruant, dūm à naturā non gubernantur, & sic putrescant, TRANSPRATIONE PROHIBITA, cùm corpus per cutim liberè non ventilatur.

Putredinem hanc à solâ transpiratione prohibitâ oriri affirmat, dequé eâ prolixè disputat *Zacutus Lusitanus* libr. q. med. princip. quest. 11.

*Sennertus* contrà meliorem meretur applausum, cùm lib. 2. de febribus cap. 1. agnoscit quidem transpirationem prohibitam pro causâ putredinis, longè frequentiori, eam tamen non solam esse causam putredinis, cùm & rerum putridarum occursus sine transpiratione prohibitâ putredinem inducere queat.

## CAPUT VII causas chimicorum indagat.

**C**Himici tribus suis principiis systaticis utilibus innixi, quorum conjunctione omne conflagri corpus, omnemque uniri substantiam volunt, omnes humores rejiciunt, àque numerō causarum morbificarum eliminare audent.

In febrium accensionibus ♀ accusant, quod, cùm in corpore humanō vel motu, vel rerum calidarum admixtione accendatur, incendia microcosmica patere, & præcipue si in cordis propinquis vasis adoriatur, causum excitare valeat.

*Paracelsus* tract. 1. de pestilitate tom. 3. ♂ & ♀ accusat, & in febribus producendis pro primariâ habet causâ, indequé agnoscit spiritus illorum in corde hâc in febre accensos, febrimque propriæ vocari dicit *morbum nitri sulphuris accensi*.

*Stephanus Rodericus à Castro* librō de origine putredinis in febribus, aliquam malignitatem, certissimum causi comitem, agnoscit, quæ pro verâ causâ immediatâ & proximâ haberî queat. Arbitratur insuper, semina quædam nobis esse insita heterogenea naturæque inimica, quæ, cùm exalentur ab aëris ambientis impro-

por-